

capiunt ab Turri, quam *Magnam* vocant, pergentes per medium D. Stephani Templum, Plateam D. Ioannis Campestris, portamque Gordianam usque ad Novam, cui olim ab S. Andrea nomen; inde per Plateam Amphitheatri, vulgo *des Arenes*, se ad Portam Turonensem extendunt; hinc autem, porrecto ambitu versus Portam D. Pauli, paulatim Turrim, quam dixi, repetunt. Postea prolatis varie Pomœriis ita fuit hæc Vrbs amplificata ab Carolo Magno & aliis; ut jam nunc cum maximis & munitissimis Galliæ Civitatibus contendat; formam habens oblongam, amplissimam & spaciosissimam. Munita est octoginta editis crassisque *Turribus*. Inter eas principem tuetur locum quam antea *Magnam* dixi appellatam, vernacule *la Grosse Tour*, ab insolita crassitudine, Minoribus undique *Turribus* Muroque & fossis profundissimis, Philippo 11, Augusto Galliarum Rege circa annum c1090 curante, cincta: Forma est rotunda, magnæ altitudinis. Aliam omnino similem fuisse ajunt, sed ditutam; a binis *Turribus* *Buturigibus* nomen inditum fabulantes. Et laudat antiqui Grammatici carmen Calameus:

*Turribus a binis, inde vocor Bituris.*

Hæc talia patior aliis persuasa magis, quam mihi. Septemdecim hic sunt *Ecclesia* quas *Collegiatas* vulgo vocant: Septemdecim *Parochia*. Hæc urbs *Archiepiscopali* fulget *Sede*: sua floret *Academia*, cui nulla per totam Galliam par; Doctissimorum Virorum genitrix & Emporium. Viget in ea maxime Iurisprudentia, quam ibi professi sunt Professores excellentissimi. Est autem *Avatici*, summum totius Ducatus Tribunal, cui præsidet Monarcha Biturigum, qui vulgo *le Bailli de Berry*. Ad hunc devolvuntur omnes appellationes cum a Prætoribus Urbano, tum ab omnibus finitimorum aliorumque Territorii Bituricensis Locorum Magistratibus. Habet autem Præfectus Bituricensis sub se Metropolim ipsam *Avaticum* & v. *Diececeses* *Issoudun*, *Dun le Roy*, *Vierzon*, *Mehun*, *Concreffault*. Metropoli ad censentur, Comitatus, *Sancerre* & *S. Aignan*, Baronia *Montfaulcon*: Castellaniæ, fere xl. *Sancerram* quidam arbitrantur, hanc ab *Cere*, quæ ibi culta perhibetur, tanquam *Sacrum* vel *Sacellum Cereis*. Doctiores Latine scribentes huiusmodi Etymologiam averfati *Xantodorum* vocant. Comitatus gaudet titulo, qui anno c1095 permutatus cum *Belloues*. Arctissimam sustinuit Sancerre obsidionem anno c1010 lxxiii: famem passa tam severam, ut post devoratos a vide Canes, Feles, Equos, Glires, Mures, Talpas: post consumpta, Cornua, Corium, Pergamenas & similia, ne excrementis quidem Carnibusque humanis fuerit parcitum. Parent ipsi Castellaniæ *Sancerres*, *Beaufeu*, *Chapelle d' Anguillon*, *le Chastel de Boncard*, *Salonges*, *Tarenay*, *Verdigny*, *Menefme*, *Charentomay*, *Brie*, & alia. *S. Aignan* nomen habet ab *S. Amano* Episcopo. Baronia *Montfaulcon* Latine sonans *Montem Falconis*, complectitur Dominia *Baugy* & *Gion*, item *la Fane*, *Lyvron*, *Cory*, *Villabon*, *Seury*, *Marcilly*, *Mar-nay*, *Farges*, *Avor*, *Saligny*, *Percigny*, *Cru*, *Lassax*, *Boisbosc*, *Nuissement Villiers*, *Compo*. Castellaniæ denique nominantur